



Na osnovu člana 72., 73. i 75. Zakona o državnoj službi u Unsko-sanskom kantonu („Službeni glasnik Unsko-sanskog kantona“ broj:14/17 i 15/20), Pravilnika o unutrašnjoj organizaciji Ureda za borbu protiv korupcije Unsko-sanskog kantona, broj: 24-02-9416-1/23 od 12.9.2023. godine i broj: 24-02-9416-2/23 od 22.5.2024. godine, uz prethodno pribavljeno mišljenje Ministarstva finansija, broj: 04-04-1046-2/25 od 3.1.2025. godine, sekretar Ureda za borbu protiv korupcije Unsko-sanskog kantona, r a s p i s u j e:

JAVNI OGLAS

za prijem namještenika na neodređeno vrijeme u
Uredu za borbu protiv korupcije Unsko-sanskog kantona

I – NAZIV RADNOG MJESTA

Viši referent za unos podataka u e-registre - 1 izvršilac;

II -OPIS POSLOVA RADNOG MJESTA

Opis poslova radnog mjesta Viši referent za unos podataka u e-registre:

- a) obavlja administrativno-tehničke poslove vezano za unos podataka u e-registre;
- b) prikupljanje, sređivanje i obrada podataka;
- c) unos podataka u e-registre;
- d) vrši kontinuirano ažuriranje podataka;
- e) izrada generisanih izvještaja;
- f) vođenje računa o informacionoj, komunikacionoj opremi;
- g) implementacija back up strategije (arhiviranje dokumenata po uputama);
- h) ustrojavanje, vođenje i ažuriranje baze podataka e-registara;
- i) održavanje i ažuriranje podataka web stranice Ureda;
- j) obavlja i druge poslove koje mu odredi sekretar Ureda.

III- UVJETI ZA OBAVLJANJE POSLOVA RADNOG MJESTA

Kandidati moraju ispunjavati opće uvjete iz člana 76. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj:14/17 i 15/20), kao i posebne uvjete utvrđene za radno mjesto Viši referent za unos podataka u e-registre, u Pravilniku o unutrašnjoj organizaciji Ureda za borbu protiv korupcije Unsko-sanskog kantona, broj: 24-02-9416-1/23 od 12.9.2023. godine i broj: 24-02-9416-2/23 od 22.5.2024. godine, za koje je raspisan Javni oglas.

Opći uvjeti za radno mjesto Viši referent za unos podataka u e-registre:

- a) da je državljanin Bosne i Hercegovine;
- b) da je starije od 18 godina;
- c) da je zdravstveno sposoban/na za obavljanje poslova utvrđenih za to radno mjesto;
- d) da ima odgovarajuću vrstu i stepen školske spreme;

- e) da u posljednje dvije godine od dana objavljivanja javnog oglasa nije otpušten/a iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini;
- f) da nije obuhvaćen/a odredbom člana IX.1. Ustava Bosne i Hercegovine;
- g) da se ne vodi krivični postupak protiv tog lica.

Posebni uvjeti za radno mjesto Viši referent za unos podataka u e-registre:

- a) SSS - IV stepen stručne spreme, gimnazija, upravna, ekonomska, informatička ili elektrotehnička - smjer informatika ili računarstvo;
- b) najmanje 10 (deset) mjeseci radnog staža u struci;
- c) položen stručni ispit i
- d) poznavanje rada na računaru.

IV- PRIJAVA NA JAVNI OGLAS

Prijava na javni oglas za radno mjesto Viši referent za unos podataka u e-registre:

Kandidati su obavezni uz prijavu na Javni oglas, dostaviti original ili ovjerene fotokopije sljedeće dokumentacije i to:

- a) Prijavu na Javni oglas sa kratkom biografijom i kontakt podacima (adresa prebivališta, e - mail adresa i broj telefona);
- b) Izvod iz matične knjige rođenih;
- c) Uvjerenje o državljanstvu (ne starije od 6 mjeseci);
- d) Diploma/svjedodžba o završenoj stručnoj spremi odgovarajućeg smjera tražena Javnim oglasom;
- e) Dokaz o radnom iskustvu;
- f) Dokaz o poznavanju rada na računaru;
- g) Ovjerena izjava da kandidat u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne, na bilo kojem nivou vlasti u Federaciji, odnosno Bosni i Hercegovini;
- h) Ovjerena izjava da kandidat nije obuhvaćen odredbom člana IX.1. Ustava Bosne i Hercegovine (lica koja su rođena poslije 1980. godine nisu dužna podnositi dokaze o ispunjavanju ovog uvjeta);
- i) Uvjerenje suda da se protiv njega ne vodi krivični postupak i
- j) Uvjerenje o zdravstvenoj sposobnosti.

V- NAPOMENA ZA KANDIDATE

- Ukoliko kandidat za vrijeme oglasne procedure za prijem u radni odnos nije položio stručni ispit, može se pod uslovima iz člana 80. stav (4) Zakona o državnoj službi u Unsko-sanskom kantonu, prijaviti na javni oglas i primiti u radni odnos, ali je dužan položiti stručni ispit najkasnije u roku od 6 mjeseci od dana prijema u radni odnos.
- Kandidat koji bude izabran u obavezi je dostaviti uvjerenje da se protiv njega ne vodi krivični postupak i uvjerenje o zdravstvenoj sposobnosti, o čemu će biti blagovremeno obaviješten.

VI- ROK TRAJANJA JAVNOG OGLASA I ADRESA PODNOŠENJA PRIJAVA

Javni oglas se objavljuje na internet stranici Ureda za borbu protiv korupcije Unsko-sanskog kantona i Vlade Unsko - sanskog kantona. Javni oglas ostaje otvoren 15 (petnaest) dana od posljednjeg dana objavljivanja.

Prijava sa traženim dokumentima podnosi se u zatvorenoj koverti neposredno na pisarnici Vlade Unsko-sanskog kantona, ul. Alije Đerzeleza broj 2, 77000 Bihać, ili se dostavlja putem pošte, preporučeno na adresu:

Ured za borbu protiv korupcije Unsko-sanskog kantona
Ul. Alije Đerzeleza broj 2
77000 Bihać
sa naznakom
„Javni oglas za prijem namještenika na neodređeno vrijeme u
Uredu za borbu protiv korupcije Unsko-sanskog kantona
NE OTVARAJ“

Neblagovremene, nepotpune i neuredne prijave neće biti razmatrane.

Broj: 24-30-2339-1/25
Bihać, 10.2.2025. godine;



SEKRETAR UREDA

Adela Fabaković, dipl.pravnik